

PF

USTAVNI SUD BOSNE I HERCEGOVINE			
Datum prijema: 12-01-2024			
Vrsta upis.	Broj	Priloga	Priloga
		2	1

**OKVIRNI SPORAZUM**  
**O nabavci usluga servisiranja i održavanja službenog motornog vozila**  
**VOLKSWAGEN PASSAT B8 2.0 TDI 4motion CL**

SU-08-1040-4/23 2

između:

1. **Ustavni sud Bosne i Hercegovine** sa sjedištem u Sarajevu, ul. Reisa Džemaludina Čauševića 6/III, kojeg zastupa generalni sekretar Ustavnog suda BiH Nataša Vuković (u daljnjem tekstu: **Naručilac usluga**)
- i
2. **SARADIS d.o.o.** Donji Hotonj bb, Vogošća, kojeg zastupa Adis Efendić, direktor (u daljnjem tekstu: **Pružalac usluga**)

**Član 1.**  
**(Predmet okvirnog sporazuma)**

- (1) Predmet ovog okvirnog sporazuma je nabavka usluga servisiranja i održavanja službenog motornog vozila Volkswagen Passat B8 2.0 TDI 4motion CL za potrebe **Naručioca usluga**.
- (2) **Naručilac usluga** i **Pružalac usluga** su saglasni da okvirni sporazum realiziraju prema definisanim uvjetima u tenderskoj dokumentaciji broj SU-08-1040-4/23 od 23. novembra 2023. godine i prema sadržaju ponude broj 1025/23 od 5. decembra 2023. godine sa kojom je **Pružalac usluga** učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.
- (3) **Naručilac usluga** zadržava pravo potpune ili djelimične realizacije nabavke **usluga** do ukupne planirane vrijednosti, a prema planu potreba za predmetnu nabavku.

**Član 2.**  
**(Vrijednost okvirnog sporazuma)**

- (1) Okvirni sporazum se zaključuje sa procijenjenom vrijednosti, u iznosu do 4.500,00 KM bez uključenog PDV-a, odnosno 5.265,00 KM sa uključenim PDV-om.
- (2) Za pružanje usluga iz člana 1. ovog okvirnog sporazuma utvrđuje se ugovorna cijena za set usluga od 12 stavki prema ponudi **Pružaoa usluga** broj 1205/23 od 5. decembra 2023. godine u ukupnom iznosu od 1.497,88 KM bez uključenog PDV-a odnosno 1.752,52 KM sa uključenim PDV-om. Pojedinačne cijene definisane su ponudom **Pružaoa usluga** i dostavljenim CD-om/aktuelnog cjenovnika/katalogom i sl sa svim rezervnim dijelovima za predmetno vozilo i sastavni su dio ovog okvirnog sporazuma.
- (3) Ukupna plaćanja na osnovu izvršenih svih pojedinačnih usluga po zahtjevima **Naručioca usluga** na osnovu ovog okvirnog sporazuma ne smiju prelaziti procijenjenu vrijednost nabavke iz stava (1) ovog člana.

**Član 3.**  
**(Rok izvršenja usluga)**

- (1) Obavljanje usluga iz člana 1. ovog okvirnog sporazuma će se vršiti sukcesivno i kontinuirano po pojedinačnim zahtjevima **Naručioca usluga**.
- (2) **Pružalac usluga** osigurava isporuku svih potrebnih rezervnih dijelova za opravku i servisiranje službenih motornih vozila i obavezuje se da će u slučaju kvara osigurati originalne

rezervne dijelove i kvar otkloniti u roku od maksimalno 48 sati po preuzimanju vozila. U slučaju da je za popravak vozila potrebno duže od 48 sati, Naručilac usluga može tražiti zamjensko vozilo u rangu vozila koje je na popravci, na privremeno korištenje.

(3) U toku ugovornog perioda, Pružalac usluga ispostavlja fakture na osnovu utvrđenih cijena iz svoje ponude odnosno dostavljenog CD/aktuelnog cjenovnika/kataloga i sl sa listom svih rezervnih dijelova za vozilo marke Volkswagen Passat B8 2.0 TDI 4motion CL te rezultatima održane e-aukcije.

#### **Član 4. (Viša sila)**

(1) Naručilac usluga i Pružalac usluga se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje usljedilo usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprečavaju jednu ili obje ugovorne strane u ispunjavanju preuzetih obaveza po ovom sporazumu.

(3) U što skorijem roku, nakon djelovanja *više sile*, a ne duže od dva dana, Pružalac usluga detaljno obavještava Naručioca usluga pismenim putem o djelovanju *više sile*. U slučaju da se utvrdi da Pružalac usluga nije u mogućnosti da ispuni obaveze prema ovom okvirnom sporazumu, Naručilac usluga ima, i može koristiti, pravo na raskid ovog sporazuma o čemu će pismenim putem obavijestiti Pružaoca usluga u roku ne dužem od tri dana nakon saznanja o djelovanju više sile.

#### **Član 5. (Garancija)**

(1) Pružalac usluga garantuje da će usluge iz člana 1. ovog sporazuma vršiti kvalitetno, savjesno, blagovremeno uz angažovanje stručnih i obučениh servisera, a u cilju produženja vijeka trajanja vozila.

(2) Garantni rok na izvršenu uslugu i na ugrađene rezervne dijelove je minimalno godinu dana.

(3) Ukoliko se oštećenje ili nedostaci pokažu za vrijeme trajanja garancije, Naručilac usluga pismenim putem obavještava Pružaoca usluga koji je obavezan u što je moguće kraćem roku popraviti ili otkloniti nedostatke.

(4) Pružalac usluga garantuje da će ugrađeni rezervni dijelovi biti tvornički novi, neupotrebljavani, originalni i da će funkcionisati.

#### **Član 6. (Specifikacija)**

(1) Sastavni dio ovog okvirnog sporazuma je ponuda Pružaoca usluga broj 1205/23 od 5. decembra 2023. godine, sa kojom je učestvovao u konkurentskom zahtjevu za dostavljanje ponude i koja sadrži cijene svih rezervnih dijelova te obrazac za cijenu ponude dostavljen nakon održane e-aukcije.

**Član 7.**  
**(Period trajanja sporazuma)**

- (1) Ovaj okvirni sporazum se zaključuje na period od 12 mjeseci odnosno u okviru vrijednosti iznosa na koji se zaključuje okvirni sporazum iz člana 2. stav (1) ovog okvirnog sporazuma.
- (2) Unutar zaključenog okvirnog sporazuma zaključivat će se posebni ugovori, po potrebi i po zahtjevu Naručioca usluga.
- (3) Po zahtjevu Naručioca, Pružalac usluga je dužan dostaviti predračun ili drugi pisani dokument na osnovu kojeg će se izvršiti usluga i izvršiti fakturisanje usluge.
- (4) Ukoliko se jedna od ugovornih strana ne bude pridržavala odredbi ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.
- (5) Otkazni rok po ovom sporazumu je 30 dana, a ugovorne strane ovog sporazuma se obavještavaju pismenim putem.

**Član 8.**  
**(Način plaćanja)**

- (1) Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana od dana prijema fakture sa priložima bez primjedbi, fakturu proslijediti na plaćanje Ministarstvu finansija i trezora BiH.
- (2) Pružalac usluga je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

**Član 9.**  
**(Zaštita prava)**

- (1) U slučaju spora po odredbama ovog okvirnog sporazuma, ugovorne strane će ga nastojati riješiti mirnim putem, u protivnom nadležan je Sud Bosne i Hercegovine u Sarajevu.
- (2) Na sva prava i obaveze ugovornih strana koja nisu regulisana ovim ugovorom, primjenit će se odredbe Zakona o obligacionim odnosima u Bosni i Hercegovini.

**Član 10.**  
**(Stupanje na snagu)**

Ovaj okvirni sporazum stupa na snagu danom potpisivanja od strane ovlaštenih osoba ugovornih strana.

**Član 11.**  
**(Broj primjeraka okvirnog sporazuma)**

Ovaj okvirni sporazum sačinjen je u četiri (4) istovjetna primjerka, od kojih svaka ugovorna strana zadržava po dva (2) primjerka.

**ZA ISPORUČIOCA**



Adis Efendić

Direktor

**ZA NARUČIOCA**



Nataša Vuković

Generalni sekretar  
Ustavnog suda Bosne i Hercegovine

0501.2023  
Broj: 01-05U/23

Sarajevo, 29. decembar 2023. godine  
Broj: SU-08-1040-11/23